



**In per plaids da cumiau per
Georgina Venzin da Selva
5.9.1937- 25.11.2000**

Exact in meins avon Nadal has Ti bandunau quest mund. Ti has bandunau Tia vischinonza en tutta tgeuadad. Mo Ti eis era vivida en gronda tgeuadad a Selva e lu a Cazis-Beverin. Tes gats han fatg a Ti adina puspei cumpignia e cuort'uriala e Ti has mirau bein per els.

E cu jeu visitavel mintgaton Tei, has Ti adina salidau mei cun in surrir e culs plaids: «Tgau Silvio, cun bi tge te vegnas! Co voi adina?» Gie, ella spetgava sin enzatgi, che paterlava e sedava giu cun ella.

Savens eis Ti vegnida a messa - era tier mei. E nies seveser era mintgamai in plascher, che TuatschinAs ella Tumliasca s'entupavan e savevan tschintschar nies bi dialect tuatschin. Surtut havevas Ti plascher dalla «Mary-long extra» e dils pralines, che Ti survegnevas mintgamai sillas quater fiastas. Aschia havein nus otg onns adina giu contact in cun l'auter.

Ed aunc enzatgei. Adina puspei has Ti empermess a mi Tia oraziun. Ed jeu hai viiu, co Tiu cudisch d'oraziuns era isaus. Gie-quel has Ti duvrau stediamein. E per quell'oraziun engraziel jeu a Ti da cor. Persuenter seregordel era ussa da Tei ella sontga messa.

Jeu sperel fermamein, che Ti hagues finalmein anflau il ruaus e la pasch enten in buntadeivel Bab en tschiel ed era in bien seveser culs Tes e Tes perdavonts.